



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბერაძე ჯუმბერ ვიქტორის ძე



ჯ. ბერაძე

ბერაძე ჯუმბერ ვიქტორის ძე (დ. 22. VII. 1944, თბილისი), მოცეკვავე. საქართველო. სახ. არტისტი (1981). 1970 დაამთავრა თბილ. სას.-სამ. ინ-ტის (ახლანდ. საქართველო. აგრარული უნი-ტი) ტექნოლოგიის ფაკ-ტი.

1958-იდან ცეკვავდა თბილ. ტრამვაი-ტროლეიბუსების სამმართველოს თვითმოქმედ ქორეოგრაფიულ ანსამბლში (ხელმძღვ. გ. დარახველიძე). 1962-82 მუშაობდა საქართველო. ხალხ. ცეკვის სახელმწ. აკად. ანსამბლში. ასრულებდა სოლო პარტიებს ცეკვებში „ყაზბეგური“, „ფარიკაობა“, „მხედრული“, „ხანჯლური“, „შეჯიბრი“ და სხვ.

ბ-ის შესრულება გამოირჩეოდა მაღალი კულტურით, დახვეწილი ტექნიკითა და ტემპერამენტით. 1982-85 იყო საქართველო. სახელმწ. ფილარმონიის გენ. დირექტორის მოადგილე, 1985 - 86 - საქართველო. კულტ. სამინისტროს რესპ. გაერთიანება „საქატრაქციონის“ დირექტორი, 1986-87 - საქართველო. ხალხ. სიმღერისა და ცეკვის სახელმწ. ანსამბლის მთავარი რეჟისორი. 1987-იდან იყო ფირმა „მელოდიის“ თბილ. განყ-ბის დირექტორი.

2019 აირჩიეს თბილისის საპატიო მოქალაქედ.
